

**I**ncepit : « Venite ad me, omnes qui laboratis et onerati estis, et ego reficiam vos (*Matth. xi, 28*). » Quid enim est aliud : « et ego reficiam vos, quam et ego vos a diebus malis mitigabo ? Et ostendens, in quo : « Tollite, ait, jugum meum super vos, et discite a me quia mitis sum et humilis corde. » Ad deum intulit : « Et invenietis requiem animabus vestris (*ibid., 29*). » Ergo putredinem in ossibus admittere et subter se scatentem habere, vel propter conscientiam putredinis, quod tu homo mox futurus es, mitem esse et humilem corde, hoc est jam requiescere non solum in futuro, verum etiam in praesenti saeculo.

Quis autem sibi vult, quod, cum dixisset : *Ut requiescum in die tribulationis*, addidit : *Et ascendam ad populum accinctum nostrum*? Quid nisi quod militem esse et humilem corde, est veraciter *accinctum esse* et *ad populum accinctum* ascendere, populum, a quo regnum cœlorum vim patitur et violenter diripitur? Quia enim alia cinctura nisi humiliatis spiritu Moysen accinctum esse putas, ut fortissimum spirituum Deum universæ carnis teneret dicentem : « Dimitte me (*Gen. iv, 54*), » et ad suam voluntatem inflecteret? Indubitanter sciendum est quia absque hac cinctura nulla usquam justitiae fortitudo est. Quamvis multorum quispiam sit operum, absque isto justitiae præsidio nullus est, nec ille populus accinctus populus ejus est, qui accinctis renibus earnes agni comedens per mare ascendit, sicut hic nunc dixerat : *Viam fecisti in mari equis tuis*. Vane Synagoga de operibus confidit, quia impossibile est eos justificari, qui suam volentes statuere justitiam justitiae Dei non sunt subjecti. Hoc est, quod continuo per metaphoram aptissime dicit :

**V**ERS. 17. *Ficus enim non floredit, et non erit germin in vineis. Mentietur opus olivæ, et arva non afferent cibum. Abscindetur de ovili pecus, et non erit armentum in præsepibus*. Sub isto senario numero universa reprobat opera legis, quæ sex diebus operari concedit. Et idcirco reprobat, quia Judæus operarius legis non intendit, ut celebret Sabbatum

**D**omini, non habet fidem et humilitatem, quam commendans : *Invenietis, ait, requiem animabus vestris. Ficus et vinea nec non et oliva præsenti loco Synagoga est, et arva non afferentia cibum Judaicæ cæremoniæ sunt. Pecus et armentum minores et maiores Judæi, sive populus et sacerdotes sunt. Eorum omnium fidem et humilitatem Christi non habentium opera cuncta reprobantur dicendo : Ficus enim non floredit, etc.* Ac si dicat : Idcirco humiliatis gratiam tantopere desidero, quia in operibus legis nullus est fons justitiae, nullum germen justitiae, nullum opus justitiae, nullus oīnino vitalis cibus animæ. In quo pecus abscissum est de ovili et armentum a præsepibus fugitur in eo quod Judæus non credit, quod justitiae Dei non vult subjici et non audit vocem Domini sive pastoris boui. Hinc ille dicit : « Sed vos non creditis, quia non estis ex ovibus meis (*Joan. x, 26*). » Item : « Propterea vos non auditis, quia ex Deo non estis (*Joan. viii, 47*). »

**V**ERS. 18, 19. *Ego autem in Domino gaudebo, et exultabo in Deo Iesu meo. Deus Dominus fortitudo mea*. Quod dicit, hoc est : Idcirco Israel sectando justitiae legem in legem justitiae non pervenit, quia non ex fide, sed quasi ex operibus. Ego autem non quasi ex operibus, sed ex fide credam in Patrem et Filium et Spiritum sanctum. Nam dicendo : *In Domino gaudebo, confitetur Patrem; dicendo : Exultabo in Deo Iesu meo, confitetur Filium; dicendo : Deus Dominus fortitudo mea, confitetur Spiritum sanctum. Et ponet pedes meos quasi cervorum, et super excelsa mea deducet me victor in psalmis canentem*. Sicut enim pedes cervorum agiles sunt ad dumeta transilienda et alta petenda, sic per hanc fidem agilis ero, ut in legem justitiae perveniam, et in lapidem offendis non offendam. *Et deducet me hæc justitia fidei super excelsa mea, id est super justitiam operum. Deducet, inquam, me victor Deus unus, Pater et Filius et Spiritus sanctus, in psalmis canentem* victoriam cursus mei, non operibus meis, sed gratiae ejus ascribentem, et per hoc gratias sempiternas agentem.

## EXPOSITIO IN CANTICUM MOYSIS II,

DEUTERON. CAP. XXXII.

**A**udite, cœli, quæ loquar, audiat terra verba oris mei, etc. Metonymice ad coelos inanimatos terramque inanimatam sermo dirigitur, atque a rebus, quæ nec auræ nec sensum habent aliquem, hono rationalis et sapiens attentum flagitare videtur auditum, tanquam si dicat : *Quoniam ego mortalis homo sum, novi autem, quod isti homines vel posteri eorum post mortem meam inique acturi et de via, quam præcepi illis, cito declinaturi sunt : vos saltem cœli, qui superstites estis, et tu terra, quæ in æternum stabitis, accedite ad audiendum, state ad aestificandum, ut, cum inique egerint, et a via Do-*

**D**mini declinaverint, vos juxta maledictiones superius dictas, vos, inquam, cœli sitis desuper ænei, et tu terra, quam calcant, ferrea sis.

Verum juxta sensus interni veritatem illi cœli convocantur ad audiendum, de quibus idem Spiritus in Propheta : « Cœli, inquit, enarrant gloriam Dei, et opera manuum ejus annuntiat firmamentum (*Psal. xviii, 1*), » et illa terra, de qua alibi : « Dominus, inquit, dabit benignitatem, et terra nostra dabit fructum suum (*Psal. lxxxiv, 13*). » Illi, inquam, cœli et illa terra convocantur huc ad audiendum, de quibus et in alio propheta : « Borate,

Inquit; cœli desuper, et nubes pluant justum, et aperiatur terra, et germinet Salvatorem (*Isa. xlvi.* 8), ut videlicet non dubitent cœlos eloquentes, scilicet prophetæ, et universi prædicatores, derelicta gente hac stulta, sine consilio et sine prudentia prolicisci, ut in omnem terram exeat sonus eorum et in fines orbis terræ verba eorum, et secundum præsentis cantici testimoniū invitare gentes ad laudandum Deum vel Dei populum, ut non dubitet terra quondam deserta et invia, scilicet Ecclesia salutarem suspicere pluviam de summis cœlorum, id est de ore apostolorum eodem auditu fidei, quo suscepit terræ hujus principium, videlicet beata Virgo: et dedit fructum suum pariendo Deum et hominem Christum.

**VERS. 1.** Audite igitur cœli, id est apostoli, audiat terra, id est de cunctis gentibus colligenda Ecclesia. Quomodo audiatis cœli, quomodo ad auditum terra hujus perveniant verba oris mei?

**VERS. 2.** Concrescat in pluria doctrina mea, fluat ut ros eloquium meum, quasi imber super terram et quasi stillæ super gramina. Quomodo pluria concrescit? Quomodo fluit ros? Notum est quia de deorsum tenem nebulam exhalantibus aquis humor in nubibus densescit, et de nubibus in terram concreta pluria defluit. Ros autem sine nubibus nocturno frigore concretus de cœlo in terram matutino sereno cadit. Sic cœli isti, qui enarraverunt gloriam Dei, gloriam eamdem partim per studium sacrae lectionis, partim per solam didicerunt revelationem Dei. Quod legendo didicerunt nobisque loquendo refuderunt, quasi de deorsum humorem susceptum et in pluvia concretum gratiosæ nubes super herbam reddiderunt. Quod per solam Dei revelationem acceperunt, quasi rorem nocturnum meditando atque contemplando congregaverunt, et prædicando etiam scribendo super lata fidei vel spei nostræ gramina distillaverunt. Utroque modo perfectum cœlum vel firmatum decet esse firmamentum, id est apostolum vel prædicatorem idoneum, qui non de eorde suo vel a semetipso loquatur, sed quod audivit, hoc testetur, quod in Spiritu sancto didicit, hoc annuntiet et loquatur. Igitur in vobis, o cœli, qui auditis, concrescat in pluria doctrina mea, et per vos fluat ut ros eloquium meum, id est et ex præsenti legis lectione, et ex Spiritu sancti revelatione vobis omnibus consilium Dei innotescat, atque inde per ora vestra in omnem herbam, in cuncta gramina toto mundo virentia fluat eloquium meum.

**VERS. 3.** Quia nomen Domini, inquit, invocabo. Ergo, o cœli, benevolentiam vestro præstate oratori, aurem benevolam vestro præstate cantori ab ipsa re flagitanti, quia videlicet magna res est invocare nomen Domini, vobiscum invocabo nomen Domini. Domini, inquam, Dei, cuius vos gloriam enarraturi, cuius opera vos estis annuntiatur. Idcirco audite me, cœli, idcirco audiat terra verba oris mei. Date magnificientiam Deo nostro.

**VERS. 4.** Dei perfecta sunt opera, et omnes viae ejus: judicia. Hoc est, quod primum audire volo vos, o cœli; haec sunt, quæ audire te cupio, terra, verba oris mei. Quando mandaverit Dominus Deus noster vobis, o cœli, ne pluatis super hanc vineam imbre, quam exspectavit, ut faceret uvas, et fecerat labruscas, quam exspectavit, ut saceret judicium, et ecce iniquitas, et justitiam et ecce clamor: quando, inquam, mandaverit vobis, ne pluatis super eam, sed potius super terram desertam et inviam, nolite murmurare, nolite obniti pro zelo gentis carnis vestræ, date magnificientiam Deo nostro, sequimini et magnificum existimate quod complacitum est Deo nostro, quia videlicet etsi homines exsuscitati vel ratio lateat, Dei tamen perfecta sunt opera; perfecta, inquam, et irreprehensibilia, et omnes viae ejus judicia. Judicia vera et justa, justificata in seculis ipsa. Nam universæ via Domini misericordia et reritas. Misericordia est via haec, qua ad gentes commigravit; veritas est via haec, qua ab Israel recessit. Hanc igitur date magnificientiam Deo nostro, ut credatis quia Dei perfecta sunt opera, ut constate in quia haec vel omnes viae ejus sunt judicia. Quid enim? Nunquid quia pepigit fœdus cum Abram, nunquid quia dixit: « Et statuam pactum meum inter me et te, et inter semen tuum post te in generationibus suis fœdere sempiterno » (*Gen. xvii.* 7): nunc autem ab isto semine ejus recessit, idcirco non perfecta opera ejus, idcirco non judicia viae ejus? Imo Deus fidelis et absque ulla iniquitate, justus et rectus; fidelis, inquam, in omnibus verbis suis, et absque ulla iniquitate in omnibus judicis suis, justus in omnibus viis suis, rectus in omnibus operibus suis. Unde ergo vel ob quam causam pactum suum oblitus est, quod cum Abraham pepigit? Si fidelis, si absque ulla iniquitate, si justus est et rectus, quomodo iuramentum neglexit, quod jurauit cum patribus? Ecce habes: Ipsi

**VERS. 5.** Peccaverunt ei, et non filii ejus in sordibus. Peccaverunt, id est irritum pactum ipsi fecerunt, subauditur: inimici, et jam non filii ejus; irritum, inquam, fecerunt pactum ejus, quemadmodum hoc et ipse præsciens dixit mihi superius: « Ecce tu dormies cum patribus tuis, et populus iste consurgens fornicabitur post deos alienos in terra, ad quam ingredietur, ut habitet in ea. Ibi derelinquet me, et irritum faciet fœdus, quod pepigi cum eo (*Deut. xxxi.* 16). » In sordibus peccaverunt, in sordibus irritum fecerunt pactum, non solum in sordibus vitili, quem fecit Aaron, aut Beelphægor, quæ videlicet sordes jam dudum admissæ sunt; sed etiam in sordibus Baal et Astaroth eæterorumque daemoniorum, tandemque in sordibus Barabbæ latronis, quem sibi dimitti petiere, peccaverunt. Peccaverunt, inquam. Certum enim est, quia peccabunt. Cum ergo sic peccaverint, jam non filii ejus in sordibus, et ob hoc projecerit eos fidelis Deus, dicit, quia nihilominus tamen Deus fidelis et absque ulla iniquitate, justus et rectus, quamvis illos projecerit,

cunib quibus pactum pepigit in patribus : peccare-  
runt enim ei et irritum fecerunt pactum illud, isti  
jam non filii ejus in sordibus. Proinde, o cœli et  
terra, quicunque auditis haec verba oris mei, nou-  
ipsum Deum, qui fidelis est et absque ulla iniqui-  
tate, sed istos, qui peccaverunt, non filios ejus cun-  
ctis loqueliis, universis sermonibus vestris, quibus  
in omnem terram, et in fines orbis terræ audiendi  
estis, redarguite et dicite : *Generatio prava atque  
perversa.*

**VERS. 6.** *Hæc cine reddis Domino, popule stulte et insipiens?* Generatio, inquam, *prava*, quod idem est,  
ac si cum evangelica declamatione dicas : « Genera-  
tio mala et adultera (*Math. xn, 39*). » Idcirco  
*generatio prava*, quia de bonis quidem parentibus,  
sed male progenita, quia non de fide, sed sola pa-  
trum carne exorta; idcirco, inquam, *prava atque  
perversa*, quia fidem patrum non imitata, secun-  
dum mores patribus longe disparata. *Hæc cine  
reddis Domino?* *Hæc cine*, inquam, id est mala pro  
bonis, *popule stulte et insipiens, reddis Domino?* *Stul-*  
*tus enim es*, qui malum sciens non cavisti, *insipiens*  
quicunque ex hoc populo bonum nescis, quod scire  
potuisti. *Stultus es*, dum legendo prophetas sensum  
prophetarum contentiose pervertis; *insipiens*, qui  
nec saltem legisti, qui ut bene ageres, intelligere  
noluisti. Igitur, *popule stulte et insipiens, hæc cine  
reddis Domino?* *Nanquid non ipse est Pater tuus, qui  
possedit te, et fecit, et creavit te?* Quantum est, quod  
ipse Pater tuus est, quemadmodum dixit ad Pharaonem : *Filius primogenitus meus Israel?* Quantum  
est, quod possedit te, quod fecit te, quod creavit te? *Possedit* videlicet ut Dominus, *fecit* ut filius, *crea-*  
*vit* ut Deus. *fecit*, inquam, unumquemque in sua  
persona, *creavit* in massa, qui te possedit in gratia.  
Fuerit hoc tibi commune cum ceteris gentibus, quod  
*fecit*, et quod *creavit*: at singularis beneficii est,  
quod possedit. Quantum ad proprietatem vocum vel  
distinctionem sensuum, magnæ est potentia quod  
*possedit*, majoris quod *fecit*, maximæ quod *creavit*,  
alique e converso magnæ sunt gratiae quod *creavit*,  
majoris quod *fecit*, maximæ quod possedit. *Hæc cine*  
igitur pro tot beneficiis *reddis Domino Patri tuo,*  
*possessori tuo, factori tuo, creatori tuo?*

**VERS. 7.** *Memento dierum antiquorum, cogita ge-*  
*nerationes singulas.* Videlicet, ut scias, quod is ipse,  
quem tradidisti, quem negasti ante faciem Pilati,  
Pater tuus est, qui possedit, et fecit, et creavit te,  
ut, inquam, illud scias, *memento dierum antiquorum, cogita generationes singulas.* Nam in diebus  
antiquis omnia per ipsum facta sunt, et per genera-  
tiones singulas mysteria ejus dictis et factis præsi-  
gnata sunt. Sed forte memoria dierum antiquorum,  
et cogitatio generationum singularium necdum tibi  
satisfaciunt. Quid igitur facis? Interroga patrem  
tuum et annuntiabit tibi, *majores tuos et dicent tibi.*  
*Pater tuus* Deus ipse est, *majores tui* lex et prophe-  
tae sunt. *Interroga ergo Patrem tuum orando, ma-*  
*jores tuos legendo. Patrem, inquam, tuum Deum*

**A** interroga orationibus intentis, utrum consilium hoc  
vel opus, cuius in omnem terram sonus exivit, ex  
ipso sit, et annuntiabit tibi. Si enim Cornelium  
gentilem pro hoc ipso orantem et eleemosynas fa-  
cientem dignanter exaudivit, et mirabiliter illum  
facere oportet per angelum suum ostendit,  
quanto magis si tu interrogaveris et ut bene agas  
intelligere volueris, per aliquam revelationem an-  
nuntiabit tibi. Igitur, ut praedictum est, Deum Pa-  
trem tuum interroga orando, *majores tuos* prophetas  
consule legendi. Ille annuntiabit, et isti dicent tibi,  
quia iste, quem tradidisti, quem negasti, quem felle  
cibasti, et aceto potasti, quem clavis confixisti, cu-  
jus latum lancea perforasti, *Pater tuus* est, qui te  
possedit. Quomodo autem possedit, vel quomodo  
possidere incepit? plane et hoc ipsum dicent tibi.

**VERS. 8.** *Quando diridebat Altissimus gentes,*  
*quando separabat filios Adam, constituit terminos*  
*populorum juxta numerum filiorum Israel.* Notum  
tibi est quia quando profecti de oriente filii Adam,  
et invenientes campum in terra Sennaar coepérunt  
facere turrim, cuius culmen pertingeret ad cœlum,  
ut celebrarent nomen suum, confudit ibi Altissimus  
linguam eorum, ut non audiret unusquisque vocem  
proximi sui, atque ita dirisit eos ex illo loco in uni-  
versas terras. Tunc utique dirisit Altissimus gentes,  
scilicet in linguas dissonas, et separavit filios Adam,  
id est imitatores superbie Adam in universas terras.  
Non perdidit eos, ut ante fecerat, per diluvium, sed  
*constituit terminos populorum juxta numerum filio-  
rum Israel*, id est statuit ut daret genus humanum,  
donec impletatur numerus electorum, qui omnes  
secundum fidem sunt filii Israel.

**VERS. 9.** *Pars autem Domini populus ejus, Jacob*  
*funiculus hereditatis ejus, subauditur in illa divisio-*  
*ne gentium, in illa separatione filiorum Adam.* Fa-  
cta namque confusione linguarum remansit lingua  
primitiva in domo et familia Heber, unde per Abra-  
ham, qui et ipse ab illo Hebreus dictus est, exivit  
hic populus Hebreus pars Domini solus; hic, in-  
quam, *populus Jacob* solus hereditatis Domini fu-  
niculus, in quo solo notus Deus, in quo solo ma-  
gnum nomen ejus. Unde per Balaam dicitur : « Po-  
pulus solus habitabit, et inter gentes non reputa-  
bitur (*Num. xxiii, 9*). » *Pars autem Domini*, vel *fu-*  
*niculus hereditatis ejus*, non quod soli vel omnes  
ad Dominum pertineant, qui sunt de carne ejus;  
sed quod soli vel omnes Domini sint, qui sunt de  
fide ejus. Hoc modo possedit, et sic possidere in-  
cepit.

**VERS. 10.** *Invenit eum in terra deserta, in loco*  
*horroris et vastæ solitudinis. Invenit eum in terra*  
*deserta*, id est innoluit ei in deserto annis quadra-  
ginta; imo primum innoluit ei in loco horroris, id  
est in horrenda servitute Ægypti percutiendo Ægy-  
ptios decein plagis, ac deinde in loco vastæ solitu-  
dinis manna pluendo et aquam de petra producen-  
do, ut jam dictum est, quadraginta annis. *Circum-*  
*duxit eum, et docuit et custodivit quasi pupillam*

*oculi sui. Circumduxit, inquam, non enim duxit eos per viam terræ Philisthiim, quæ vicina est; sed circumduxit eos per viam deserti, quæ est juxta mare Rubrum, et ita circumducendo custodivit quasi pupillam oculi sui, videlicet reputans, ne forte pœniteret eum, si vidisset adversum se bella consurgere et reverteretur in Ægyptum. Tenerior quippe erat quam pupilla oculi, ita ut leviter offensus vitiösus animus sepe in Ægyptum reverti voluerit. Circumduxit et docuit non solum multis bonorum vel malorum experimentis, verum etiam doctrina conscripta hujus legis.*

**VERS. 11.** *Sicut aquila provocans ad volandum pullos suos, et super eos volitans expandit alas suas, et assumpsit eos, atque portavit in humeris suis. Sic circumduxit, sic docuit, sic custodivit sicut pullos suos aquila, videlicet secundum naturam erga pullos suos, non absque pietate severa, neque absque se veritate pia. Semper enim fertur probare, quos genuit, ne generis sui inter omnes aves quoddam regale fastigium degeneris partus deformitas decolorat. Itaque asseritur quod pullos suos radiis solis obliquiat, atque in aeris medio parvulos suos ungue suspendat. At si quis repercuesso solis lumine intrepidam oculorum aciem inoffenso intuendi vigore servaverit, is probatur, quod veritatem naturæ sinceri obtutus constantia demonstraverit. Si vero lumina sua perstrictus radiis solis inflexerit, quasi degener et tanto indignus parente rejicitur, nec aestimatur educatione dignus, qui fuit susceptione indigneus. Igitur circumducendo et docendo sic tentavit et sic probavit, sicut aquila pullos suos. Nam eos quidem, qui murmuraverunt, qui tentaverunt, qui concupierunt in deserto, prostravit; eos autem, qui crediderunt, qui obaudierunt, quasi super alas gratiae assumpsit atque portavit in humeris suis.*

**VERS. 12.** *Dominus solus dux ejus fuit, et non erat cum eo Deus alienus.*

*Increpatio illorum. Quid tibi, inquit, o popule stulte et insipiens, quid tibi cum turba deorum alienorum? Nunquid dii alieni te de Ægypto, domo servitutis eduxerunt, aut educentem te Dominum Deum tuum adjuverunt? Non ita; sed Dominus solus dux, inquit, ejus fuit, et non erat cum eo Deus alienus, non ille cornutus et aureus vitulus, non Beelphégor spurcissimus, non Baal, non quisquam omnino Deus alienus.*

**VERS. 13.** *Constituit eum super excelsam terram, ut comederet fructus agrorum. Eun, quem invenit in terra deserta, in loco horroris et vastæ solitudinis, constituit super excelsam terram, id est montuosa terram, ut comederet fructus agrorum, ut inhabitaret civitates, quas non ædificavit, et biberet vinum de vineis, quas non plantavit, ut regiones gentium et labores possideret populorum. Quæ vide licet terra excelsa, sicut jam alibi dictum est, non est sicut terra Ægypti, ubi jacto semine in hortorum morem aquæ ducuntur irriguæ; sed montuosa et campestris de cœlo exspectans pluvias,*

A quam Dominus Deus semper invisit, et oculi ejus in ea sunt a principio anni usque ad finem ejus. Super excelsam igitur terram constituit eum, ut comederet fructus agrorum, ut sugeret mel de petra, oleumque de saxo durissimo. Ut sugeret, inquam, mel de petra, id est, ut dilectioni Creatoris assuefactus tandem dulcedinem cœlestis doctrinæ caperet, de petra virga crucis et passionis percussa, scilicet de Christo præsentialiter prædicante ore mellifluo, oleumque de saxo durissimo, id est Spiritum sanctum de eodem Christo per virtutem resurrectio-nis incorruptibiliter solidato.

**VERS. 14.** *Butyrum de armento et lac de ovibus cum adipe agnorum et arietum filiorum Basan: et hircos cum medulla tritici et sanguinem uæ bibent meracissimum. Hæc omnia temporaliter atque realiter iste populus adeptus est, quem invenerat Dominus Deus ejus in terra deserta, in loco horro-ris et vastæ solitudinis, ut istis corporalibus bonis lactatus et exercitatus spiritale butyrum et spiritale lac spiritalemque adipem suo tempore libenter ac-ciperet de spirituali armento, de spiritualibus ovibus et agnis, sive arietibus filiorum Basan, id est pinguium, scilicet de factis imitandis aut dictis exce-quendis Patrum vel patriarcharum, de Scripturis prophetarum et apostolorum veraciter pinguium, juxta quod singuli talium verissime dicunt: Impinguasti in oleo caput meum, et sanguinem ure meracissimum (Psal. xxxi, 5), id est sanguinem Christi Filii Dei biberet sacrosanctum. Idcirco super illam excelsam [terram] temporaliter constitu-tus est, et hæc temporalia bona indeptus est, ut ad spiritualium et æternorum bonorum appetitum pro-siceret. Sed quid?*

**VERS. 15.** *Incrassatus est dilectus, et recalcar-travit, incrassatus, impinguatus, dilatatus. Dilectus, sed diligenter ingratus, dilectus, inquam, sed ipsam dilectionem superbe et ferociter abusus incrassatus est cogitatione, incrassatus opere, impinguatus per-tinacia, dilatatus arrogantia. Talis dilectus recal-cartravit, id est largitoris imperia calce abjecit. Verum ista crassitudo tumor et non plenitudo est. Nam qui veram plenitudinem, qui veram scit pinguedinem, quantumvis butyro abundet aut lacte ovium sive adipe agnorum et arietum, donec ipsum appre-hendat Deum, dicit: «Ego vero egenus et pauper sum, Deus, adjuva me (Psal. lxix, 6).» At vero cu-jus Deus venter est, postquam illum impleverit ex his que predicta sunt, incrassatus, impinguatus ac dilatatus falsa sibi estimatione sufficiens vide-tur, falso sibi nihil deesse arbitratur. Quid enim fecit iste dilectus taliter incrassatus? *Dereliquit Deum factorem suum, et recessit a Deo salutari suo.* Deus, id est factor, idem salutaris sive salvator. Verum aliud est, quod factor, aliud quod salvator. Nam Deus factor, quia hominem ipse fecit: Deus salvator, quia homo factus homines ipse salvare venit. Sic incrassatus est, ut de neutra gratia car-ret. Nam et antequam veniret, *Deum factorem**

*sum dereliquit, et postquam venit, a Deo salutari suo recessit. Quomodo illum dereliquit, quomodo ab illo recessit?*

**VERS. 16.** *Provocaverunt eum in diis alienis, et in abominationibus suis ad iracundiam concitaverunt. Ad idem procedit, et quod in diis alienis provocaverunt, et quod in abominationibus suis ad iracundiam concitaverunt: verumtamen diversa sunt, et e diverso veniunt. Nam dii quidem alieni sunt, abominationes autem suæ sunt, propter quas, ut eas licentiose agerent, deos alienos coluerunt: verbi gratia, vitulus, quem fecerunt, et Beelphégor, quem initiai sunt, dii alieni fuerunt. Quod autem post comedationes et potationes surrexerunt ludere, et quod inter sacrificia cum Madianitis fornicati sunt, suæ abominationes exsisterunt. Igitur et in diis alienis mitem provocaverunt, et in abominationibus suis ad iracundiam concitaverunt. Item et in eo quod antequam in hunc mundum veniret, toties ad idolatriam defluxerunt, in diis alienis eum provocaverunt, et in eo quod præsentem blasphemaverunt, dicentes: « Dæmonium habet, et insanit, et in Beelzebub principe dæmoniorum ejicit dæmonia (Joan. x., 20), » profecto in abominationibus suis ad iracundiam concitaverunt. Sed in qualibus diis eum provocaverunt?*

**VERS. 17.** *Immolaverunt dæmoniis, et non Deo; diis, quos ignorabant. Novi recentesque venerunt, quos non coluerunt patres eorum. Dii quos coluerunt, non dii, sed potius dæmonia sunt dii nuncupati dii novi, quia ignoraverunt prius eos, dii recentes, quia non coluerunt illos patres eorum. Nunc igitur cœli et terra ad caput increpationis redite, et dicite generationi pravæ atque perversæ: Hæc cine redditis Domino, popule stulte et insipiens?*

**VERS. 18.** *Deum, qui te genuit, id est qui diu sterilibus parentibus tuis gignendi te facultatem sive effectum tribuit. Nam præter unicum Filium suum, quem ex utero ante luciferum genuit, et quem in hunc mundum misit per uterum virginis, neminem de propria substantia sua Pater ille genuit. Ergo qui te genuit, id est qui Saræ diu sterili tandem conceptum dedit, et Rebeccæ sterili eodem Isaac deprecante dilectum sibi Jacob ut conciperet et pareret præstitit, de quibus vel per quos genitura tuæ rivus emanavit: illum tu dereliquisti genitorum ingratitudine detestabili, et oblitus es Domini creatoris tui, subauditur, quem prius cognovisti per præsentem doctrinam legis et per eorumdem patrum exempla, qui hæreditariam ejus scientiam thesaurizaverunt tibi. Unde et majus peccatum habes, quam si nunquam ille fuisset cognitus tibi.*

**VERS. 19.** *Vidit Dominus, et ad iracundiam concitatus est, quia provocaverunt eum filii sui et filie. Vidit hoc ille, quem nihil latet, oculis nunquam dormitantibus, quibus omnia videt, vidit hoc peccatum tuum stylo ferro scriptum in ungue adamantino clamante per prophetas suos Spiritu sancto, ut peccatum tuum a facie ejus non deleatur.*

**A** *Et ad iracundiam concitatus est, videlicet animi sui motu: Deus enim non movetur, aut perturbatur; sed judicii veritate sic impietatem persequente, ut non jam plus Pater, sed districtus iudex sentiatur; et hoc idcirco, quia provocaverunt eum filii sui et filie, quod utique secundum omnem rationem minus tolerandum est, quam si provocassent eum externi vel externæ. Provocaverunt autem videlicet in eo, quod non per ignorantiam vel per infirmam indigentiam, sed scienter peccaverunt, et per industriam, imo et sapientes fuerunt ad concinandum peccatum, ad conquirendum nialum.*

**B** *VERS. 20. Et ait: Abscondam faciem meam ab eis, et considerabo novissima eorum. Ait, id est sententiam fixit, cui dixisse fecisse est ita ut cœlum et terram, quam dictionem ejus transire facilius sit. Non est enim Deus quasi homo, ut mentiatur, nec ut filius hominis, ut mutetur. Ait ergo, id est iudicium dedit hujusmodi:*

*abscondam faciem meam ab eis, id est excæcabo illos, ut viam veritatis invenire non possint. Excæcabo corda illorum, et aures eorum aggravabo, et oculos eorum claudam, ne forte videant oculis et auribus suis audiant, et corde suo intelligent, et convertantur, et sanem eos, dicamque eis: « Audite audientes, et nolite intelligere, et videat visionem, et nolite cognoscere (Isa. vi., 9). » Ita absconditus ab eis considerabo novissima eorum, id est exspectabo finem et consummationem peccati eorum tacite prospicio mirabilem audaciam eorum. Generatio enim perversa est, et infideles filii. Damnationis ejus, qua dixi: Abscondam faciem meam ab eis, causa præcedentes sunt, quia generatio perversa est, quia infideles sunt filii, sancto quoque Spiritu per prophetam contestante, quia sunt principes Sodomorum, quia sunt populus Gomorrhæ. Alioquin non videretur stare, quod dixit supra: Deus fidelis et absque ulla iniqüitate. Justum igitur iudicium in eo quod dedi illis scutum cordis labore meum, quod licet tanquam sponsus procedens de thalamo meo in sole posuerim tabernaculum meum, ipsi tamen videre me non possunt, imo et scandalum illis est, cum designatur eis tabernaculum meum carneum, diciturque illis: Ecce iste Deus noster. Amplius autem audite cœli justum iudicii ordinem, æquam judicantis vicissitudinem.*

**C** *VERS. 21. psi me provocaverunt in eo, qui non erat Deus, et irritaverunt in vanitatibus suis: et ego provocabo eos in eo, qui non est populus, et in gente stulta irritabo illos. Priores ipsi provocaverunt me non leviter quacunque offensione vel humano excessu, sed in eo, qui non erat Deus, id est, sic me habendo tanquam si non essem Deus, et irritaverunt me priores ipsi in vanitatibus suis, id est vanitates suas, vanos deos suos prætulerunt mihi, tandemque data sibi optione Barabbam mihi præferre non dubitaverunt auctorem seditionis. Reddam itaque illis talionem provocando eos in eo, qui non est populus, id est sic eos habendo, ut non sint populus,*

ut sint sine rege, sine principe, sine sacerdote, A sine Ephod et sine Teraphim, ut omnino non sint populus, sed in populis et gentibus jam nūc dispergantur, et in futuro cum eis, qui non sunt, annullentur, et cum eis, qui in inferno sunt, deputentur, et ita in gente stulta irritabo illos. Irritabo, inquam, id est, ad æmulationem adducam in non gentem, in gentem insipientem, in iram eos mittam (Rom. x, 19), ut videant gentem loco suo regnatum, gentem prius insipientem, sed postea sapientem, quam æmulentur, cuius æmulatione torqueantur.

VERS. 22. *Ignis succensus est in furore meo, et ardebit usque ad inferni novissima.* Provocabo, inquam, illos, et irritabo; provocationis autem et irritationis principium hoc est, quod *ignis succensus est in furore meo*, consummatio, quod ardebit usque ad *inferni novissima*. *Ignis enim succensus est in præsentiarum ignis Romanorum, quo civitas sancta facta est deserta Sion, deserta facta est Jerusalem, desolata domus sanctificationis eorum, et gloria eorum facta est in exustione ignis, et omnia desiderabilia eorum versa sunt in ruinas, et occiderunt in ore gladii, et captivi ducti sunt in omnes gentes.* Ille jam *succensus est ignis poena*; *ignis vindictæ ardebit autem usque ad inferni novissima.* Nam de hac vindicta temporali ad æterna proficiuntur tormenta. Num ergo, inquis, judicat Deus bis in ipsum, aut consurget duplex tribulatio? Non utique, si in vindicta vel tribulatione præsenti reatum agnoscas, finemque ponas peccatis. Cæterum quoniam in ipsa poena impia perseverat voluntas populi stulti et insipientis, et nunc inducit super eos diem afflictionis, et in posterum ignis, qui *succensus est, usque ad inferni novissima ardebit*: quod et alius propheta imprecatur: et « dupli contritione concere eos, Domine Deus meus (Jer. xvii, 18), » alias autem, et una percussio est, quæ hic incepta illic finitur, ut incorrectis unum flagellum sit, quod temporaliter incipit, sed in aeternis suppliciis consummetur, quatenus eis, qui omnino corrigi renunt, iam percussio præsentium flagellorum sequentium sit initium tormentorum. Igitur nihil lusa vel in pravum detorta regula prophetica, quæ dictum est: *Non consurget duplex tribulatio, sive juxta Septuaginta: Non vindicabit Deus bis in ipsum*, et hic a furore meo *succensus est ignis et in futuro, quod est: Usque ad inferni novissima ardebit.*

*Devorabitque terram cum germine suo, et montium fundamenta comburet.* Non, ut saep factum est, solum terræ germen devorabit, ut sit famæ in terra propter peccata populi, sed ipsam quoque terram, cuius in iracundia loquentes dolos cogitabant, ita ut dicerent: « Si dimittimus eum sic, omnes credent in eum, et venient Romani, et tollent nostrum et hunc et gentem (Jer. xi, 48): » terram, inquam, ipsam cum germine suo devorabit, id est auferet ita, ut terra eorum non sit, et nihilominus ea careant, quam si devorata sit igne hostili. *Et fundamenta montium comburet*, id est superborum fiduciam au-

B feret, videlicet pulchrum templum inclytamque civitatem, cuius suffulti statu firmiter in hereditario patrum suorum Deo sibi stare videntur, gentesque cæteras quasi valles intimas montes ipsi despiciunt. Templum, inquam, et civitatem in montibus fundatam ignis elementaris comburet. Præterea terram, id est carnes eorum; terram, inquam, peccatricem, id est populum qui superbis, cum sit terra et cinis, devorabit ignis cum germe suo, id est cum libidibus et malis operibus suis, et montium fundamenta, id est ipsas quoque animas, quæ vegetant corpora, comburet ignis, et hic succensus, ut jam dictum est, et in futuro ardens usque ad inferni novissima.

VERS. 23. *Congregabo super eos mala, et sagittas meas complebo in eis.* Et hoc ait Dominus utique ad iracundiam provocatus. Ait, inquam, non solum secreto et intus prophetis audientibus, verum etiam in publico apostolis audientibus, Judæis blasphemantibus, audituris etiam per Evangelium cunctis per orbem gentilium. Cum enim dixisset: « Ecce ego mitto ad vos prophetas, et sapientes, et Scribas, et ex illis occidetis et crucifigetis, et ex eis flagellabitis in synagogis vestris et persequemini de civitate in civitatem, » continuo subjunxit: « Ut veniat super vos omnis sanguis justus, qui effusus est super terram, a sanguine Abel justi usque ad sanguinem Zachariae filii Barachiae, quem occidistis inter templum et altare... Amen dico vobis, venient haec omnia super generationem hanc (Matth. xxiii, 34 et seqq.). » Haec dictio ejus apostolis audientibus de malis congregandis, qui jam, audiente Moyse, antequam homo fieret, haec ait: *Igitur congregabo super eos mala*, id est venire faciam omnem sanguinem justum qui effusus est super terram. Et hoc juste, quia videlicet ipsi me occidendo, sanguinem meum effundendo mensuram patrum suorum implebunt, patrum malorum, patrum impiorum, qui justos occiderunt, qui sanguinem prophetarum sunderunt. *Et sagittas meas complebo in eis*, quia videlicet congregata tot mala paucæ vel pars sagittarum mearum expiare non sufficeret: idcirco *complebo*, id est omnes expendam *sagittas meas in eis*, sagittas maledictionis, scilicet quas paulo ante in pharetra cujusdam conditionis ita recondidi. « Quod si audiire nolueris vocem Domini Dei tui, ut custodias et facias omnia mandata ejus, et ceremonias, quas ego præcipio tibi hodie, venient super te omnes maledictiones istæ, et apprehendent te. Maledictus es in civitate, maledictus in agro, maledictum horreum tuum, et maledictæ reliquæ tuæ, maledictus fructus ventris tui, etc. (Deut. xxviii, 15-18). » *Explabo*, inquam, id est omnes istas expendam *sagittas meas in eis*, quod alias nunquam feci, licet multoties aliquam sagittarum partem in eos jecerim; exempli gratia: quando Benadab rege Syrie cum universo exercitu suo obsidente Samariam facta est famæ hic magna in Samaria, et tandem obsessa est, donec venndaretur caput asini octoginta argenteis, et quarta pars capisterii vel

cadi steroris columbarum quinque argenteis, dixit-  
que mulier altera ad alteram : Da filium tuum, ut  
comedamus eum hodie, et filium meum come-  
demus cras. Quando, inquam, haec acta sunt,  
tunc *sagittas meas* quidem jeci, sed non totas *com-  
plevi*. Nam inter haec dixit Eliseus : « Audite verbum  
Domini : Haec dicit Dominus. In tempore hoc cras  
modius simile uno statere erit, et duo modii hordei  
statere uno in porta Samariæ (IV Reg. vii, 4). »  
Quod et factum est. Verum non ita erit, cum faciem  
meam abscondero in eis. Sed quid ?

VERS. 24, 25. *Consumentur fame, et devorabunt  
eos aves morsu amarissimo. Dentes bestiarum immi-  
ttant in eos cum furore trahentium super terram atque  
serpentium. Foris vastabit eos gladius, et intus pavor  
jurenem simul ac virginem, lactentem cum homine  
sene.* Id plane erit sagittas meas compleri in eis.  
*Consumentur fame,* videlicet in die solenni Paschæ  
Ierosolymis congregati velut exitiali quadam manu  
eogene, quos tricies centena millia hominum Josephus  
dicit fuisse, scilicet justo judicio tempore hoc  
ultionis electo, ut qui in diebus Paschæ salvatorem  
suum Dominum Christum cruentis manibus et sa-  
cilegis vocibus violaverant, in ipsis diebus velut in  
unum carcerem omnis multitudo conclusa feralis  
poenæ exitium, quod merebatur, exciperet. Quam  
diræ famis exitio consumpti sint, qui plenius nosse  
cupit, quintum prædicti Josephi historiarum librum  
legat, ex quo omnem eorum luctuosam tragœdiam  
pernoscat. In quo illud permaxime horrendum fuit, C  
quod quædam mulier Maria nomine Eleazari filia,  
genere et facultatibus nobilis, præ magnitudine fa-  
mis quasi in amentiam vel in insaniam versa par-  
vulum, quem sub überibus habebat, filium jugulat  
ignique superpositum torret, et medium quidem  
consumit, medium vero servat obtectum, unde et  
per prædones confestim irruentes, quos conceptus  
obustæ carnis nidor invitaverat (scrutabantur enim  
domos estrientes et fame insanientes); per præ-  
dones, inquam, deprehensum hoc malum continuo  
civitatem universam horrendo nuntio replevit illa  
proferente quod obtexerat, ac dicente quia par-  
tem vobis optimam reservavi. *Igitur consumentur,*  
inquit, *fame, subaudis : et non sepelientur; sed de-  
vorabunt eos aves morsu amarissimo.* Sepelire nam-  
que cadavera proximorum nec defunctorum multi-  
tudo nec virium debilitas permittebat. Primo qui-  
dem publico sumptu sepeliri mortuos jusserant fœ-  
toris intolerantia. Ut vero omnem sumptum cœpit  
vincere multitudo morientium, de muro cadavera  
præcipitabant tanta multitudine, ut mortuorum ca-  
daveribus valli replerentur, et huic corporis tabo  
patria terra rigaretur. Igitur *devorabunt eos aves,*  
scilicet insepoltos morsu amarissimo, quia videlicet  
residuis hoc spectantibus amarissima haec erit ama-  
ritudo. Nec solum *aves devorabunt*, sed et *dentes  
bestiarum immittant in eos trahentium eos cum fu-  
rore super terram dentesque serpentium.*

A Aliter : *Dentes bestiarum immittant super eos cum  
furore trahentium super terram atque serpentium.*  
*Dentes bestiarum*, id est sævitiam vel arma Romanorum  
immittant in eos cum furore trahentium super  
terram, id est absque misericordia residuos in ca-  
pititate ducentium in omnem terram : *dentesque  
serpentium*, id est sævitiam malignorum spirituum  
per cruciatum et mortes corporum usque ad inferni  
novissima *trahentium*. Nam per bestias Romanos  
fortes ac feroce recte intelligi illud pro testimonio  
vel exemplo est, quod Psalmista cum eamdem cala-  
mitatem deplorans dixisset : « Ut quid destruxisti  
maiceriem ejus, et diripiunt eam omnes, qui præter-  
grediuntur viam, » continuo subjunxit : « Extermi-  
navit eam aper de silva, et singularis ferus depa-  
stus est eam (Psal. LXXXIX, 13, 14), » per aprum et  
per singularem serum Titum et Vespasianum Ro-  
manos imperatores significans. Igitur *dentes bestia-  
rum super terram trahentium* arma sunt Romanorum  
occidentium et in capititatem trahentium. Colligens namque supra dictus historiographus om-  
nem vulnerum peremptorum vel fame vel ferro un-  
decies centena millia designavit, cæteros vero latro-  
nes et sicarios ac prædones post urbis excidium  
mutuis declarat interisse vulneribus, electos autem  
quosque juvenum, quos decor corporis et proceritas  
commendabat, ad triumphum dicit esse ser-  
vatos; reliquos autem, qui supra decem et septem  
annos agebant ætatis, vincitos ad opera Ægypti per  
metalla destinatos, vel per cæteras provincias esse  
dispersos, alii quidem, ut ludis gladiatoriis, alii, ut  
ad bestias traderentur. Si qui vero intra septimum  
et decimum ætatis reperti sunt annum, per diversas  
provincias in servitutem distrahi jussi sunt. Quorum  
numerus usque ad nonaginta millia peractus est.  
Id plane fuit trahi super terram *dentibus bestiarum*,  
ac deinde animas duci ad inferos, id fuit trahi *den-  
tibus serpentium*. Unde signanter non dictum est :  
*dentes bestiarum et serpentium cum furore trahen-  
tium super terram; sed serpentium, subauditum :*  
*dentes cum furore trahentium in infernum.* Malo-  
rum omnium summam uno tandem versiculo com-  
plexus est : *Foris vastabit eos gladius, et intus pa-  
vor : jurenem simul ac virginem, lactentem cum ho-  
mine sene.* *Foris* namque *gladius*, id est exterior  
corporum omnimoda calamitas; *intus pavor*, id est  
atrox conscientia, quia scientibus illis jam sanguis  
Christi, sicut sibi imprecati fuerant, super ipsos et  
super filios ipsorum redundabat.

VERS. 26. *Et dixi : Ubinam sunt? Cessare faciam  
ex hominibus memoriam eorum.* Hæc et haec dixit,  
quæ jam præmissa sunt. *Et tunc denum dixi ego,*  
cui futuræ istæ calamitates, imo et omnia tam præ-  
terita quam futura presentia sunt: *ubinam sunt?*  
videlicet quia defecerunt peccatores a terra et ini-  
qui, ita ut non sint. Et vñ illis, quos nescit Deus  
ubinam sint, cum ipse omnium, qui sunt, qui non  
inali sunt, locus sit. Unde dicit Job : « Sicut consu-

mitur nubes, et pertransit: sic qui descendit ad inferos, non ascendet, nec revertetur ultra in domum suam, neque cognoscet eum amplius locus ejus (*Job vii, 9.*) » *Cessare faciam ex hominibus memoriam eorum*, ac si dicat: Parum est ut non amplius cognoscam eos, ego quondam locus ipsorum, insuper *ex hominibus cessare faciam memoriam eorum*, ut nec apud Deum nec apud homines ulla in bono sit memoria eorum.

**VERS. 27.** *Sed propter iram inimicorum distuli, ne forte superbirent hostes eorum, et dicerent: Manus nostra excelsa, et non Dominus fecit haec omnia.* Ita, ut prædictum est, sagittas meas complebo in eis, ut ne una quidem maledictio residua sit. Pote: an facere, et ipsi merebantur, ut ita cessaret ex hominibus memoria eorum, quatenus nullæ superercent reliquiae eorum. Sed forte superbirent hostes eorum et dicerent: *Non Dominus fecit haec omnia, sed manus nostra excelsa fecit haec omnia.* *Distuli ergo, et non totam funditus delevi memoriam eorum, immo et dixi, « quia si numerus eorum fuerit quasi arenae maris, reliquiae salvæ stent* (*Rom. ix, 27.*) » Hoc pacto fit ut non superbiant hostes eorum, ut non dicant: *Manus nostra excelsa, et non Dominus fecit haec omnia*, dum reliqui, qui sunt ex eis dispersi per omnes gentes, libros secum bajulant et maledicta legis, quæ legentes hostes eorum et causas inaledictionum recensentes sciant et dicant: *quia Dominus fecit haec omnia.* Amplius autem et in eo residuum illorum proficit, ut quicunque ex hostibus eorum ad fidem patrum illorum conversi fuerint, dum legunt quod, cum plenitudo gentium subintroverit, tunc omnis Israel salvis erit, non superbiant, quod cæcitas in Israel contigit, ipsi autem illuminati sunt, Apostolo quoque superbiam istam reprimente, cum dicit: « Quod si aliqui ex ramis fracti sunt, tu autem cum oleaster es, insertus es in illis, et socius radicis et pinguedinis olivæ factus es, noli gloriari adversus ramos. Quod si gloriaris, non tu radicem portas, sed radix te, etc. (*Rom. xi, 17-18.*) » Plane haec talis repressio superbiaz dignæ Deo curæ est, ut merito præcavens dicat: *Propter iram inimicorum distuli, ne forte superbirent hostes eorum, et dicerent: Manus nostra excelsa, et non Dominus fecit haec omnia.* Idcirco dicitur in psalmo: « Deus ostendit mihi super inimicos meos, ne occidat eos, ne quando obliviscantur populi mei, disperge illos virtute tua (*Psalm. lviii, 12.*) » Nunc ergo post dispersionem eamdem erga dispersas populi stulti et insipientis reliquias qualis esse debeat apostolorum et populi sapientis Christiani affectus, sequentibus mox cantici verbis innuitur.

**VERS. 28, 29.** *Gens absque consilio est et sine prudentia, utinam saperent, et intelligerent, ac novissima providerent!* Quid aliud Apostolus optat, cum dicit gemebundus: « Veritatem dico in Christo, non mentior, testimonium mihi perhibente conscientia mea in spiritu meo, quoniam tristitia mihi est magna et continuus dolor cordi meo, optabam enim

A ego ipse anathema esse a Christo pro fratribus meis, etc. ? » (*Rom. ix, 2, 3.*) Quid, inquam, optat, quid dicit, nisi: *Utinam saperent, et intelligerent, ac novissima providerent?* Saperent videlicet, qualia vel quas ob causas ventura illis mala ex lege superius scripta prænuntiata sint, ut intelligerent res et malorum præsentium effectus bene respondere dictis præteritis; providerent, subauditur: mala inferni, quæ post præsentia consequentur eos, eo quod nec saltē vexatio præsens intellectum dare possit eorum auditui. Hoc optamus, hoc illis cupimus, quicunque recta et humili fide cognoscimus quia naturales isti sunt rami, nos autem naturalis oleaster sumus, eisque fractis, qui naturaliter stabant, nos contra naturam inserti sumus. Verum donec plenitudo gentium subintrocat, gens ista sine consilio et sine prudentia est, id est non sapient, neque intelliget, neque novissima providebit. Dicimus tamen quamvis verba perdentes, quamvis nullos vel paucissimos ex eis lucrificantes: *Utinam saperent, et intelligerent, ac novissima providerent!*

**VERS. 30, 31.** *Quomodo persecutus unus mille, et duo fugarunt decem millia?* Imo ut ipsa maledictionis recolamus verba, quibus hoc prænuntiatum est, quomodo tradebat Dominus gentem hanc corruentem ante hostes suos? Quomodo per uiam viam egrediebatur contra eos, et per septem fugiebat? Nonne ideo, quia Deus suus vendidit eos, et Dominus conclusit illos? Non enim est Deus noster, ut Deus eorum, et inimici nostri sunt judices. Quid enim? Nunquid ut ipsi putant, Deus Abraham, Deus Isaac et Deus Jacob Deus eorum est? Non utique: nam ipsi ex eis vel præcipui sunt, quorum Deus venter est, et gloria in confusione vel pudendis eorum. Quantoscumque deos coluerunt, nimirum propter hunc maximum deorum suorum, id est propter ventrem suum et propter pudenda sua coluerunt, scilicet ut sederent manducare et bibere, et deinde surgerent ludere lusum turpem, lusum ignominiae. Ergo Deus suus venter est, qui multos deos adorandi causa illis est. Et hic Deus suus vendidit eos, hic, inquam, Deus suus prelio scortationum et libidinum distractit illos, quia videlicet ipsi, ut illum Deum ventrem suum saturarent, postea, quæ sub ventre sunt, libidinibus effluenter, semetipsos tradiderunt, vitam suam perdiderunt, animas suas perdiderunt. Unde et per prophetam manifeste appellantur principes Sodomorum et populus Gomorrhæ. Ita venditos Dominus conclusit illos, conclusit, inquam, primum cæcitate ac furore mentis, ut palparent in meridie, sicut palpitare solet cæcus in tenebris, et cum esset vita ipsorum pendens ante oculos eorum, non crederent eidem vitæ suæ. Deinde conclusit illos et hostili exercitu, ubi persecutus unus mille, et duo fugarunt decem millia. Nonne haec igitur ideo passi sunt, quia tales, ut jam dictum est, Deus suus vendidit eos, et Dominus ultor conclusit illos? Non enim est Deus noster ut Deus eorum, non, inquam, qualis Deus noster, talis

Deus eorum. Illoc tam libere profltemur, ut non communem totius orbis subtersugiamus auditorum, ut sententiam non vereamur qualiumcunque hominum ratione utentium. *Inimici nostri quoque sunt judices*, verbi gratia, Platonici sive Pythagorici vel quicunque philosophi gentiles, cum adhuc *inimici nostri* sint, cum nondum fidem Christi suscepient, ipsi *sint judices*. Ecce hic in conspectu omnium proponatur hinc *Deus noster*, et inde Deus eorum, hinc, inquam, *Deus noster* et crux ejus, inde satellites Dei eorum ventris, eorum Beelphegor, id est Priapus.

*Obscenusque ruber porrectus ab inguine palus..*

Sint inter haec *judices inimici nostri*, judicent inimici nostri, quid pulchrius, quid honestius sit, utrum pietatem Christi crucifixi, an tentiginem vel turpitudinem adorare Priapi? Dicte nunc, *judices, inimici* quidem nostri, sed judicandi scientiam habentes, quid pulchrius in estimatione vestra, crudem adorare, an adulteria? Crucem, inquam, inuste homini justo compactam, an fornicationes et stupra? Quid respondeant, imo quid responderint, quid vindicaverint inimici nostri, jam totus orbis audivit, quia videlicet stupris damnatis pia colla submisere cruci damnatis concupiscentiis ventris et eorum, quae sub ventre sunt, prædicaverunt gloriam Christi. Verum isti nondum sapient, nondum intelligunt. Quare?

**VERS. 32, 33.** *De vinea Sodomorum vinum eorum, et de suburbanis Gomorrhæ.* Idecirco obscurati sunt oculi eorum, ne videant, idecirco cæcati sunt, ut non sapiant, neque intelligent, neque novissima provideant, quia *de vinea Sodomorum vinum eorum, et de suburbanis Gomorrhæ*, id est quia vivunt Sodomitice. *Uva eorum uva sellis, et botrus amarissimus. Fel draconum vinum eorum, et venenum aspidum insanabile.* Per vineam radices cogitationum nequam, per uram et botrum operum nequitia, per vinum colloquia mala pravaque blasphemantium intellige doctrinam. Profecto quisquis operibus eorum malignis communicaverit, æterna amaritudine torquebitur. Idecirco dixit: *Uva sellis et botrus amarissimus est. Et quisquis fabulas vel susurrations eorum acceperit, sopiaetur sempiterna mortis ebrietate.* Idecirco dixit: *Fel draconum vinum eorum et venenum aspidum insanabile.*

**VERS. 34.** *Nonne haec con ita sunt apud me, et signata in thesauris meis?* Videlicet, quia nulla haec penitentia delevit, quia non baptismus Christi, quo solo peccata remittuntur, haec absorbuit, idecirco recondita manent apud me, et signata sunt in thesauris meis reddenda in pondere et mensura iræ quam thesaurizaverunt sibi.

**VERS. 35.** *Mea est ultio, et ego retribuam eis in tempore, ut labatur pes eorum. Mea est, inquam, ultio, meu est judicium, et ego retribuam eis*, videlicet unicuique secundum opera sua in tempore, in die iræ, ut labatur pes eorum, ut cadant in opprobrium sempiternum, ut deducantur in puteum inte-

A ritus, ut usque ad inferni novissima detolvantur.

Dicis: In tempora longa fiet istud. Ego autem dico: *Juxta est dies perditionis, et adesse festinans tempora. Juxta est*, etsi mille anni intersint. Nam « mille anni ante oculos meos tanquam dies hesterna, quæ præteriit (*Psal. lxxxix, 4.*) ». Sed esto ut millenaria, imo decies aut centies millenaria speretur ante illum dicm fore sæculi prolixitas: nunquid non singula iter unicuique peccatori *juxta est dies perditionis?* Denique anni nostri, ut ait Psalmista, *sicut aranea meditabuntur, dies annorum nostrorum, subauditur: clauduntur, in ipsis septuaginta annis. Si autem in potentatibus, si sunt qui in fortitudine et sospitate naturæ diutius vivant, quidam enim fortioris et salubrioris sunt naturæ quam alii; si, inquam, in potentatibus, id est in his, qui salubrioris naturæ sunt, octoginta sunt anni, amplius eorum spatium longius his octoginta annis jam non vita, sed potius labor et dolor est.* Igitur vel sic *juxta est dies perditionis, et adesse festinant tempora.* Fugaces quippe labuntur anni, diesque die truditur. Hactenus contra gentem sine consilio et sine prudentia pro parte illorum, qui excæcati sunt. Nunc ad eas reliquias sermo dirigitur consolatorius, quæ servandæ sunt.

**Vers. 36.** *Judicabit Dominus populum suum, et in servis suis miserebitur.* Haec duo clarissima sedis Domini ministeria sunt, misericordia scilicet et judicium, de quibus tota pendet ratio vel materia laudis divinæ, Psalmista quoque dicente. « Misericordiam et judicium cantabo tibi, Domine (*Psal. c, 1.*) ». Nil enim in verbis et operibus fidelis et justi Domini, quod non aut misericordia sit aut judicij aut utriusque concurrentis, ut ait idem, qui supra. « Misericordia et veritas obviaverunt sibi (*Psal. lxxxiv, 41.*) ». Igitur *judicabit Dominus populum suum.* Subauditur: secundum ea, quæ hactenus dicta sunt, quia vidit eos provocantes et in abominationibus suis ad iracundiam concitantes. Vedit, inquam, et ad iracundiam concitatus est. Porro in servis suis miserebitur, id est in reliquiis, quas alio modo se habentes intuebitur.

**Videbit, quod infirmata sit manus, et clausi quoque defecerunt, residuque consumpti sunt.** Videbit, inquam, quod manus illa infirmata sit, et infirmatam suam agnoverit, quæ hactenus sibi videbatur sana et fortis, ita ut præ infirmitatis vi insanens ut phrenetica medicum verum percuteret, quemadmodum dicit in psalmo: « Et irruerunt in me fortes (*Psal. lviii, 4.*) ». Sic enim infirmi et veræ justitiae virtutem non habentes ex operibus legis gloriabantur, unde apud Deum nullus justificabitur, ut starent adversus Dominum et adversus Christum ejus dicendo: « Dirumpamus vincula eorum, et projiciamus a nobis jugum ipsorum. (*Psal. n, 3.*) » Manum talam fortitudinem ejusmodi videbit, quod infirmata sit, quod humiliata sit, quod justificationem suspicet, quæ est ex te et non ex operibus legis. Et hoc videbit,

*quod clausi quoque, clausi, inquam, quos, ut supra dictum est, Dominus conclusit, defecerunt, id est nulla ulterius in semetipsis fiduciam habebunt, residuque, residui, inquam, id est qui ex Israel reliqui sunt, consumpti sunt, in eo videlicet, quod nihil se esse cognoscunt, quod ad nihilum se redactos consilentes restauratoris et liberatoris opem poscent et dicent :*

*VERS. 57—59. Ubi sunt dii eorum, in quibus habebant fiduciam? De quorum victimis comedebant adipes, et bibeant vinum libaminum? Surgant et opitulentur vobis, et in necessitate vos protegant? Videate quod ego sum solus, et non sit alius Deus præter me. Adeo infirmati sunt, adeo defecerunt et consumpti sunt, ut dicant, imo jam non ipsi loquantur, quia defecerunt et consumpti sunt, loquuntur in eis Dominus, dicat in eis Domini Spiritus: Ubi sunt dii eorum, in quibus habebant fiduciam, subauditur: qui fortes fuerunt, qui non defecerunt, neque consumpti, id est per pœnitentiam alterati sunt? Ubi, inquam, sunt dii eorum? Subaudit: nusquam sunt, nusquam adsunt, quia videlicet non dii, sed dæmonia sunt. Vos igitur reliquæ Israel, videate quod ego sum solus, ego, inquam, solus sum, quemadmodum dixi de medio rubi loquens: Ego sum qui sum (Exod. iii, 14), quod videlicet et dixi tunc, et dico nunc ad distantiam omnium, quæ non vere, aut simpliciter sunt, quia mutabilia sunt, maxime autem ad distinctionem vel divisionem deorum omnium, qui non sunt, etsi dicantur dii, sunt enim, qui dicantur dii multi et domini multi, tamen dii aut domini non sunt. Ego vero immutabiliter sum et vivo: Filius quoque meus immutabiliter est et vivit; nam etsi mortuus est ex infirmitate carnis, sed vivit ex virtute Dei, id est eo quod virtus Dei sit. Hoc videate, et quod non sit alius Deus præter me. Nam alia quidem persona Pater, alia persona Filius, sed non alius Deus Pater, alius Deus Filius est.*

*Ego occidam, et ego vivere faciam, percutiam, et ego sanabo, et non est qui de manu mea possit eruere. Hoc quoque videate, hoc ab effectis præsentibus comprobatum scitote. Nam ego gentilem populum quondam occidi, id est idololatriæ deditum, præter me deos alienos colentem damnavi: et nunc idem ego per Spiritum sanctum vivere feci. Itemque ego populum meum, populum Judaicum provocantem et irritantem me percussi cœcitate, et ecce ego ipse reliquias ex eo sanavi. Et non est, qui de manu mea possit eruere, subauditur: eum, qui in manus meas horrendas inciderit per imperium superbiciæ; non est, inquam, qui de manu mea possit eruere, propheta quoque dicente: Si fuerint tres viri isti in medio eorum, Noe, Daniel et Job, vivo ego, dicit Dominus; ipsi in justitia sua animas suas libera-  
bunt, filios autem et filias non liberabit (Ezech. xiv, 14, 20). Quis enim ipsam manum saltem possit attingere?*

*VERS. 40. Lerabo ad cœlum manum meam, et di-*

*cam: Vivo ego in æternum. Quis igitur de manu mea possit eruere, de manu altissima tam alte in cœlum sublevata, ut nemo possit attingere? Manus mea, quæ omnia fecit, quæ cœlum extendit, terramque et maria fundavit, in ipsa infirmitate sua, dum carne induita quasi obligata videtur, tunc quoque percussit superbum, et obstetricante illa eductus est coluber tortuosus: quanto magis postquam illam levavi in cœlum et dixi: Vivo ego in æternum? quod exinde apparet, quia et ipsa manus mea, quæ aliquandiu videbatur mortua, vivit in æternum, quemadmodum testatur ille, qui dixit: « Christus resurgens a mortuis jam non moritur, mors illi ultra non dominabitur (Rom. vi, 9), » quanto magis, inquam, extunc nemo est qui de hac manu mea possit eruere?*

*VERS. 41. Si acuero ut fulgor gladium meum et arripuerit judicium manus mea: reddam ultiōnem hostibus meis, et his qui oderunt me retribua. Quænam est manus mea, quæ judicium arripiatur, nisi Filius qui dixit: « Pater non judicat quemquam, sed omne judicium dedit Filio? (Joan. v, 22). » Et quis gladius ejus nisi bonorum malorumque divisio, qui videlicet in dexteram et sinistram divisi insociabiliter separabuntur? Porro fulgor ad breve quidem lucet, sed percutit irreparabiliter. Si igitur acuero ut fulgor gladium meum, id est si quod (occulte) sine dubio futurum est in brevi quidem, sed palam omnibus in dexteram et sinistram divisiones fecero malorum et bonorum, et ita judicium arripuerit manus mea, sicut jam dixi, non erit qui eruat; sed reddam ultiōnem hostibus meis, scilicet gehennam ignis inextinguibilis, et ibi vicissitudinem condignam his qui oderunt me retribuant*

*VERS. 42. Inebriabo sagittas meas sanguine, et gladius meus devorabit carnes. Sagittæ meæ universæ sunt judicii sententiae senario illic numero designatae: « Esurivi enim, et non dedistis mihi manducare; siti, et non dedistis mihi bibere; hospes eram, et non collegistis me; nudus, et non operuistis me; infirmus, et non visitasti me; in carcere, et non venistis ad me (Matth. xxv, 42, 45). » Hujusmodi sagittas meas ego inebriabo sanguine, ita ut omnes expendantur cum effectu vindictæ. Et gladius meus devorabit carnes, non quod ipsam substantiam carnis exterminet; sed quod æternaliter puniat carnalium amatores, vitia carnis consecantes, ganeones, helluones, nebulones, tam malignos spiritus quam immundos homines, quorum quia communia est nequitia, poena quoque par est juxta illud: « Discedite a me, maledicti, in ignem æternum, qui paratus est diabolo et angelis ejus (ibid., 41). » Nam hoc est, quod sequitur: De crux occisorum, et de captivitate nudati inimicorum capti. Inebriabo sagittas meas de sanguine occisorum, id est de damnatione iniorum hominum, et de captivitate capti inimicorum, scilicet diaboli, qui capti et princeps est inimicorum; capti, inquam, su-*

*dati, id est manifestati; cunctis enim manifestabatur, eunctis videntibus præcipitabitur.*

*Vers. 43. Laudate, gentes, populum ejus, quia sanguinem servorum suorum ulciscetur. Et vindictam retribuet in hostes eorum, et propitius erit terræ populi sui. Laudate, gentes, populum ejus, lætamini, gentes, cum plebe ejus, beatum dicite, gentes, populum, cuius Dominus Deus ejus, quia non peribit*

*A patientia populi v. I servorum ejus. Sanguinem enim servorum suorum ulciscetur, et vindictam retribuet in hostes eorum dicendo: « Discedite a me maledicti in ignem æternum, » et propitius erit terræ populi sui, dicendo: « Venite, benedicti Patris mei, percipite regnum, quod vobis paratum est a constitutione mundi. » Sic hodie laudamus nos gentes. Hæc enim nostra fides, hæc nostra confessio est.*

## MONITUM IN EPISTOLAM SEQUENTEM.

Epiſtola Gerhoſi ad Eberhardum ep. Babenberg. Quomodo secundum S. Hilariū gloriſicaturus Filium Pater major, gloriſicatus autem Filius minor non sit: cum in Symbolo Athanasi Filius æqualis Patri secundum diuitiatem, minor Patre secundum humanitatem dicatur, ejusdem libro De Gloria et honore Filiū hominis merito præponenda est, utpote quæ huic ſcribendo, adverſariis obmurmurantibus, occaſionem præbuit. Ejus apographum beneficio cl. V. R. D. Eugenii, præfecti bibliothecæ Claſtro-neoburgensis, in qua cujusdam codicis antico asseri coæva fere manu eam inſcriptam deteximus, ad nos perlatum est. Coeterum Gerhoſus propositam queſitionem num. 1 diſſolvi aitque, beatum Athanarium, qui Filiū Patre minorem affirmat, minoratatem illam naturæ humanae assignare, cum dicat: minor Patre secundum humanitatem; sanctum vero Hilariū, qui minoratatem negat, gloriam hominis in Deum gloriſicati magnificare, dum dicit: « Gloriſicatus jam Filius minor non est. » Itaque istos catholicos nullo modo sibi esse contrarios vel contradictorios, sed exigere letores, et intellectores, inter naturam humanaam, conditione parvam, et ipsius gloriam divinam, penitus ineffabilem et immensam discernentes, etc.; quæ omnia multo diffusius et limati, pertractat in iufra excuso libro De gloria et honore Filiū hominis.

## VEN. GERHOHI

PRÆPOSITI REICHERSPERGENSIS

# EPISTOLA AD EBERHARDUM BABENBERGENSEM EPISCOPUM.

Quomodo secundum S. Hilariū gloriſicaturus Filium Pater major; gloriſicatus autem Filius minor non sit; cum in Symbolo Athanasi Filius æqualis Patri secundum diuitiatem: minor Patre secundum humanitatem dicatur.

(D. B. PEZIUS, Thes. Anecd. tom. I, parte II, p. 315, ex cod. ms. inclytæ canonice Claſtro-Neoburgensis ord. Can. Reg. S. Aug. in Austria, studio et benevolentia adm. rev. et cl. D. Eugenii Purckbauer, eiusdem loci canonici et bibliothecarii.

F. venerabiſi Babenbergensiſ Ecclesiæ antiſiti, B non est; » cum in fide Athanasi cantemus de Filio jam gloriſicato: æqualis Patri secundum diuitiatem: minor Patre secundum humanitatem. Videtur enim vobis, quod nos aſtruamus Hilariū Athanasi contrarium, sive contradictorium, quod non est. In contrariis namque sive contradictoriis propositiōnibus affirmatio et negatio simul non possunt esse veræ, quia in eis idem de eodem affirmatur et negatur. Hic autem non est ita, quia, licet affirmetur et negetur idem, sed non de eodem. Nam beatus Athanarius, qui Filiū Patre minorem affirmat, minoratatem illam naturæ humanae assignat, dicens: minor Patre secundum humanitatem. Sanctus vero Hilariū, qui minoratatem negat, gloriam hominis in Deum

I. Stultas et indisciplinas queſiones, monente Apostolo, vitandas, libenter caveo; et ideo de rebus involutis cum disputatoribus indisciplinatis, aut stultis invitus conſero. Quibus, quia vos longe diſsimilem exhibuſtis, cum sapienter ac disciplinate mecum loquendo contulistiſ; libet adhuc vobisſcum conferre ore ad os loquendo, vel ſcribendo ſuper illo nostro, quod vidistiſ, opusculo, in quo illud vos, ut dicituſ, offendit, quod ibidem sanctus Hilariū introducitur, dicens: « gloriſicaturus Filium Pater major est; gloriſicatus autem Filius minor